

云南史料丛刊

第四十一辑

云南大学历史系

云南地方古代史

(原民族历史)

研究室

新刊

PDG

明史概說

明萬曆年間曾開局修國史，已燬於火，私人纂修者如朱國禎、明史概，未完稿。鄧元錫、明書非善本，黃宗羲、明史稿未成。至清康熙十八年，開明史館，徐元文為總裁，延黃宗羲弟子萬斯同於其家，斯同從事編纂，至康熙四十一年卒。四庫提要謂明史經名人三十載之用心，蓋謂萬斯同也。北京圖書館藏榮斯同明史抄本，瑜未獲讀，不知其內容也。王鴻緒曾任明史館總裁，康熙五十三年成列傳二〇五卷，雍正元年又成本紀、志、表，敬慎堂刊本明史稿即此書也。雍正二年，再開明史館，以張廷玉為總裁，至乾隆四年成書，進表謂取舊臣王鴻緒史稿成編。錢大昕、萬李野傳曰：張廷玉等奉詔刊定明史，以王鴻緒史稿為本而增損之。王稿大半出先生手，明史成書之經過大略如此。

明史本紀二十四卷，所載有關雲南之專條甚少。自洪武十四年九月以後，出兵征雲南，至十六年三月沐英留鎮雲南，後麓川兵事，永樂年交趾兵事，正統年三征麓川，天順嘉靖年間及礦稅鬥爭，萬曆年緬甸兵事，天啓年水西兵事，並騷動全國，惟所載極略。王崧雲南備徵志卷九已摘錄明史本紀不及六葉，可供翻閱也。

明史列傳二百二十卷，所載曾官於雲南及雲南人事蹟有闕之傳目甚多。滇繫典故繫已載沐英、傅友德、方政、王驥、柳繼宗、王恕、郭緒、劉綎、鄧子龍、楊慎諸人傳，及滇人楊一清、孫繼魯、嚴清、包見捷、王元翰、傅宗龍、龍在田、王錫哀、薛大觀、鄭和、楊黼及忠義傳諸人，惟多纂改原文。又雲南備徵志載明史桂王傳、沐英傳按明史列傳中之滇官、滇人及議論事看，喻曾摘句錄出，涉及之人有一百七十六，忠義傳尚不在內。

明史有關雲南事蹟輯錄

明史本紀

〔洪武〕五年春正月癸丑，待制王禕使雲南，詔諭元梁王把匝刺瓦爾密，禕至，不屈死。

十四年九月壬午朔，傳友德為征南將軍，藍玉、沐英為左、右副將軍，帥師征雲南。

十二月戊辰，傳友德大敗元兵於白石江，遂下曲靖。壬申，元梁王把匝刺瓦爾密走普（當是晉字之誤），寧自殺。

十五年春正月辛巳……景川侯曹震、定遠侯王弼下威楚路。壬午，元曲靖宣慰司及中慶、潞江、武定諸路俱降，雲南平。甲寅，以雲南平詔天下。

閏月癸卯，藍玉、沐英克大理，分兵徇鶴慶、麗江、金齒俱下。

夏四月甲申，遷元梁王把匝刺瓦爾密及威順王子伯伯等家屬於耽羅。

秋七月乙亥，傅友德、沐英擊烏撒蠻，大敗之。

十六年三月甲辰，召征南師還，沐英留鎮雲南。

十七年夏四月壬午，論平雲南功，進封傅友德、穎國公、陳桓

等侯者四人，大賚將士。

十二月壬子，蠲雲南逋賦。

十八年十二月癸丑，麓川平緬宣慰使思倫發反，都督馮

誠敗績，千戶王昇死之。

二十年秋八月癸酉，景川侯曹震屯田雲南品甸。

十一月壬午，晉定侯陳桓、靖寧侯葉昇屯田定邊，姚安畢

節諸衛。

二十一年春正月辛巳，麓川蠻思倫法入寇馬龍他郎甸，

都督寧正擊敗之。甲辰，沐英討思倫發，敗之。

六月甲子，傅友德為征南將軍，沐英、陳桓為左右副將軍，

帥師討東川叛蠻。

九月癸巳，越州蠻阿資叛，沐英會傅友德討之。
冬十月丁未，東川蠻平。

二十二年春正月乙未，傅友德破阿資於晉安。
二月，阿資降。

冬十一月己卯，思倫發入貢謝罪，麓川平。

十二月甲辰，周王橐有罪遷雲南，尋罷。

二十五年六月丁卯，西平侯沐英卒於雲南。

二十七年冬十一月乙丑，阿資復叛，西平侯沐春擊敗之。

二十八年春正月甲子，西平侯沐春擒斬阿資，越州平。

三十年九月戊辰，麓川平緬土酋刀幹孟逐其宣慰使思

倫發以叛。

十一月癸酉，沐春為征虜前將軍，都督何福等副之，討刀
幹孟。

三十一年二月甲辰，都督僉事徐凱討平麼些蠻。

五月丁未，沐春擊刀幹孟，大敗之。

八月，周王橐有罪，廢為庶人，徙雲南。

九月，雲南總兵官西平侯沐春卒於軍，左副將何福代領其衆。

十二月癸卯，何福破斬刀幹孟，麓川平。

建文四年春正月甲申，召故周王橐於蒙化，居之京師。

六月乙丑，帝不知所終……或云：帝由地道出亡，正統五

年，有僧自雲南至廣西，詭稱建文皇帝，思恩知府岑瑛聞於朝，按

問乃鈞州人楊行祥，年已九十餘，下獄，閏四月死。同謀僧十二人

皆戍遼東，自後滇黔巴蜀間相傳有帝為僧時往來蹟。

八月甲子，西平侯沐晟鎮雲南。

永樂五年夏四月丙申，始命雲南鄉試。

秋七月癸丑，論平交趾功，進封張輔英國公，沐晟黔國公。

八月乙酉，交趾簡定反，沐晟為征夷將軍討之，劉儒仍參贊。

軍務。

十一年二月辛亥，始設貴州布政司。

二十二年，罷西洋寶船，迤西市馬及雲南交趾採辦。

宣德五年十二月乙酉，征南將軍總兵官黔國公沐晟帥興安伯徐亨、新安伯覃忠、征虜副將軍安遠侯柳升帥保定伯梁銘、都督崔聚，由雲南、廣西分道討黎利。兵部尚書李慶參贊軍務。

正統三年六月乙亥，都督方政、僉事張榮同征南將軍黔國公沐晟、右都督沐昂討麓川蠻思任發。

四年三月丁卯，黔國公沐晟卒於軍。

夏五月庚戌，右都督沐昂為征南將軍，充總兵官討思任

發。

五年五月，征麓川參將張榮敗績於芒市。

九月壬寅，蠲雲南逋賦。

冬十一月丁巳，廣西僧楊行祥偽稱建文帝，被送京師，錮錦衣衛獄死。乙丑，沐昂討平師宗叛蠻。

六年，大舉征麓川，定西伯將貴為平蠻將軍，都督同知李安、僉事劉聚副之，兵部尚書王驥總督軍務。

十一月癸丑，王驥拔麓川上江寨。

十二月，王驥克麓川，思任發走孟養。丁未，班師，左副總兵李安攻餘賊於高黎貢山，敗績。

七年五月壬申，論平麓川功，進封將貴為侯，王驥靖遠伯。

八月壬寅，復命王驥總督雲南軍務。

八年夏五月己巳，復命平蠻將軍將貴、王驥帥師征麓川。

思任發子思機發。

九月甲子，思機發請降。

九年二月丙午，王驥擊走思機發，俘其孥以獻，召驥還。

十年三月庚辰，思機發入貢謝罪。

十二月丙辰，緬甸獲思任發，斬其首送京師。

十三年三月戊子，詔責孟養宣慰司獻思機發。

壬寅，王驥仍總督軍務，都督同知宮聚為平蠻將軍，充總兵官，帥師討思機發。

十四年二月己巳，王驥破思機發於金沙江，又破之鬼哭山，班師。

正統十四年九月甲辰，遣御史十五人募兵畿內、山東、山西、河南，都督同知陳友諒帥師討湖廣貴州叛苗。乙巳，遣使奉書上皇。丙午，苗圍平越衛，調雲南、四川兵會王驥討之。

景泰五年三月庚辰，緬甸執獻思機發。

七年三月戊寅，免雲南被災稅糧。

天順元年七月癸未，放徐有貞於金齒。

二年二月戊申，開雲南、福建、浙江銀場，中官市雲南珍寶。

四年四月乙酉，分遣內臣督浙江、雲南、福建、四川銀課。

成化三年三月辛巳，復開浙江、福建、四川、雲南銀場，以內臣領之。

十四年三月辛巳，罷烏撒衛銀場。

二十年冬十月癸酉，罷雲南元江諸府銀坑。

弘治十六年五月戊子，以雲南災變，敕羣臣修省，刑部侍郎樊瑩巡視雲貴，察官吏，問民疾苦。

十七年冬十一月戊子，罷雲南銀場。

正德九年六月乙卯，開雲南銀礦。

十六年二月乙亥，巡撫雲南副都御史何孟春討平彌勒州苗。

五月乙卯，罷大理銀礦。

嘉靖七年三月戊寅，謝遷致仕。癸巳，右都御史伍文定為兵部尚書，提督軍務，侍郎梁材督理糧儲，討雲南叛蠻。

六月丁卯，雲南蠻平。

并。

九年九月壬辰，罷雲南鎮守中官。

十七年七月辛卯，開河南、雲南銀礦。

萬曆十一年閏二月甲子，緬甸寇永昌。

十二年丁巳，遊擊將軍劉綎討平隴川賊。

六月辛亥，以雲南用兵，免稅糧及逋賦。

十六年五月，四川建昌番作亂，討平之。

十七年三月癸亥，雲南永昌兵變。

六月乙丑，永昌亂卒平。

十九年春正月，緬甸寇永昌，騰越。

二月乙酉，總兵官尤繼先敗火落赤餘衆於莽刺川。

二十八年冬十月丙子，雲南稅監楊榮開採阿瓦、孟密寶

井。
二十九年春正月壬子，蠲四川、貴州、湖廣、雲南加派田租逋賦，除官民誑誤罪。

三十年三月甲申，騰越民變，殺稅監委官。

是月，緬賊陷蠻莫，宣撫司宣撫思正奔騰越，賊追至，有司殺正以謝，賊始解。

三十三年十二月乙卯，罷採廣東珠池、雲南寶井。

三十四年三月乙卯，雲南人殺稅監楊榮，焚其屍。

六月癸卯，緬甸陷木邦。

三十五年二月戊戌，安南賊武德成犯雲南，總兵官沐獻禦却之。

十二月，金沙江蠻阿克陷武定，攻圍雲南，別陷嵩明、祿豐。三十六年八月癸亥，治雲南失事諸臣罪，巡撫都御史陳用賓、總兵官沐獻下獄論死。

四十二年春正月乙丑，總兵官劉綎討建昌叛蠻，平之。

天啓二年二月癸酉，水西土同知安邦彥反，陷畢節、安順、平壩、霑益、龍里，遂圍貴陽，巡撫都御史李樸、巡按御史史永安固。

守。

彦。

三月丁巳，敕湖廣、雲南、廣西官軍援貴州。
冬十月辛未，水西賊犯雲南，官軍擊敗之。
三年五月辛丑，四川官軍敗賊於永寧，奢崇明走紅崖。
秋七月壬辰，奢崇明走龍場，與安邦彥合。
五年三月甲戌，朱燮元總督雲貴川湖廣西軍務，討安邦

明史五行志卷二十八——三十

嘉靖二年六月，曲靖衛舍人胡晟妻生一男，兩頭四手三足。
正德十二年十二月己酉，大理衛大風壞城樓。

弘治四十八年八月，以前雲南諸府時晝晦。

天順十年四月壬午，鶴慶地震。

九月己巳，自寅至申，復十五震，壞解舍民居，傷人畜。
正德元年四月癸丑，雲南府連日再震，木密闕地震如雷，凡

五、壞城垣屋舍，壓傷人。

二年九月庚午，雲南府安州新興州三日連震，搖撼民居，人有死者。

六年四月乙未，楚雄地三日五震，至明年五月又連震十三日。十月甲辰，大理府鄧川州、劍川州、洱海衛地震，鶴慶、劍川尤甚，壞城垣房廨，人有壓死者。

七年五月壬子，楚雄府自是日至甲子，地連震，聲如雷。八月己巳，騰衝衛地震兩日，壞城樓官民廨宇，赤水湧出，田禾盡沒，死傷甚衆。

十年五月壬辰，雲南趙州、永寧衛地震，踰月不止，有一日二十餘震者，黑氣如霧，地裂水湧，壞城垣官廨民居不可勝計，死者數千人，傷倍之。八月丁丑，大理府地震，至九月乙未，復大震四日。十一年十二月己未，楚雄、大理二府、蒙化、景東二衛俱震。

十二年六月戊辰，雲南新興州及通海、河西、習戎諸縣地震，壞城樓房屋，民有壓死者。

十三年六月己巳，大理府及趙、鄧川二州、浪窮縣地震，是日蒙化府亦震。十月甲午、十一月癸卯，又震。

十五年三月丙申，安寧、姚安、賓川、蒙化、鶴慶俱地震。蒙化震二日，仆城垣廬舍，民有壓死者。八月辛酉，景東衛地震，聲如雷，搖仆城牆廨宇，地多拆裂。

嘉靖十六年九月癸酉，雲南地震。十八年七月庚寅，楚雄、臨安、廣西地震。

萬曆五年二月辛巳，騰越地二十餘震，次日復震，山崩水湧，壞廟廡倉舍千餘間，民居圯者十之七，壓死軍民甚衆。

四十年二月乙亥，雲南大理、武定、曲靖地大震，次日又震。緬甸亦震。五月戊戌，雲南大理、曲靖復大震，壞房屋。

四十三年八月乙亥，楚雄地震如雷，人民驚殞。

四十八年二月庚戌，雲南及肇慶、惠州、荊州、襄陽、承天、
沔陽、京山皆地震。

崇禎五年十一月甲寅，雲南地震。

十年七月壬午，雲南地震。

正德十五年八月丁丑，雲南趙州大雨山崩。

景泰六年春，雲南貴州饑。

七年雲南又饑。

成化六年，兩廣、雲南並饑。

明史卷四十地理志

明太祖奮起淮右，首定金陵，西克湖湘，東兼吳會，然後
遣將北伐，并山東，收河南，進取幽燕，分軍四出，芟除秦晉，訖
於嶺表，最後削平巴蜀，收復滇南，禹跡所奄，盡入版圖，近古
以來所未有也。

終明之世，為直隸者二，曰京師，曰南京，為布政使司者